

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савет

MIŠLJENJE

Po zahtjevu privrednog subjekta Ekopak d.o.o. Sarajevo o obavezi podnošenja prijave koncentracije

**Sarajevo,
septembar, 2016. godine**



Broj: 01-26-7-014-4-I/16
Sarajevo, 14.09.2016. godine

Konkurencijsko vijeće Bosne i Hercegovine, na osnovu člana 25. stav (1) tačka f) Zakona o konkurenciji („Službeni glasnik BiH” 48/05, 76/07 i 80/09), a po Zahtjevu privrednog subjekta Ekopak d.o.o. Sarajevo, ul. Zmaja od Bosne 7-7a, Objekat 3, 71000 Sarajevo, Bosna i Hercegovina, na 132. (stotinu i trideset i drugoj) sjednici održanoj dana 14.09.2016. godine, je donijelo

MIŠLJENJE

Privredni subjekt Ekopak d.o.o. Sarajevo, ul. Zmaja od Bosne 7-7a, Objekat 3, 71000 Sarajevo, Bosna i Hercegovina (u daljem tekstu: Podnosilac zahtjeva ili Ekopak), podnio je putem advokata Samira Čengića iz Sarajeva (punomoć broj: 02-I-971/16 od dana 08.06.2016.godine), Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za mišljenje (u daljem tekstu: Zahtjev), dana 09.06.2016. godine zaprimljen pod brojem: 01-26-7-014-I/16.

Podnosilac zahtjeva u svom Zahtjevu navodi da ima namjeru steći 100% udjela u društvu Ekopak RS- društvo za postupanje sa ambalažnim otpadom d.o.o. Banja Luka (u daljem tekstu: Ekopak RS), zaključivanjem ugovora o prenosu 100% udjela sa društvima Coca-Cola HBC B-H d.o.o. Sarajevo i Argeta d.o.o. Sarajevo koji su vlasnici ciljanog društva u omjeru po 50%.

Podnosilac zahtjeva je dopunio Zahtjev podneskom zaprimljenim dana 14.07.2016. godine pod brojem: 01-26-7-014-3-I/16.

Podnosilac zahtjeva traži mišljenje o postojanju obaveze podnošenja prijave koncentracije, u smislu Zakona o konkurenciji („Službeni glasnik BiH“, broj 48/05, 76/07 i 80/09) (u daljem tekstu: Zakon), te u bitnom navodi sljedeće:

- da učesnici koncentracije djeluju na relevantnom tržištu upravljanja ambalažom i ambalažnim otpadom, te da relevantno geografsko tržište predstavlja tržište Bosne i Hercegovine;
- da na relevantnom tržištu djeluje samo privredni subjekt Ekopak i to isključivo na teritoriji Federacije BiH, obzirom da je dobio dozvolu od resornog ministarstva Federacije BiH, dok privredni subjekt Ekopak RS nije dobio dozvolu od resornog ministarstva Republike Srpske da može obavljati djelatnost upravljanja ambalažom i ambalažnim otpadom;
- da je prvobitni vlasnik i osnivač privrednog subjekta Europak Rs, privredni subjekt Ekopak, Ugovorom o prijenosu udjela u društvu Ekopak Rs od dana 17.10.2013. godine prenio vlasnički udio na privredne subjekte Coca-Cola HBC B-H d.o.o. Sarajevo i Argeta d.o.o. Sarajevo, čime su isti postali vlasnici po 50% udjela u temeljnom kapitalu privrednog subjekta Ekopak Rs;

- da je na relevantnom tržištu upravljanja ambalažom i ambalažnim otpadom na teritoriji Federacije Bosne i Hercegovine u 2015. godini privredni subjekt Ekopak imao tržišni udio od (..)**¹⁰%, privredni subjekt Ekoživot d.o.o. Tuzla tržišni udio od (..)**%, Fond za zaštitu okoliša FBiH tržišni udio od (..)**%, dok preostalih (..)**% obuhvata ambalažu izvan sistema;
- da privredni subjekti Coca-Cola HBC B-H d.o.o. Sarajevo i Argeta d.o.o. Sarajevo ne djeluju direktno na relevantnom tržištu, ali se u koncentraciji pojavljuju u ulozi suvlasnika (28,5714% udjela) privrednog subjekta Ekopak;
- da ukupni godišnji prihod privrednog subjekta Ekopak za 2015. godinu u Bosni i Hercegovini iznosi (..)**KM, dok privredni subjekt Ekopak RS nije imao prihoda u 2015. godini.

Konkurencijsko vijeće kao bitne za odgovor na Zahtjev ističe odredbe člana 12. stav (1) i stav (2) Zakona, koje glase:

„(1) Koncentracijom u smislu ovog Zakona smatra se:

- a) spajanje ili pripajanje nezavisnih privrednih subjekata ili dijelova privrednih subjekata.
- b) sticanje kontrole ili dominantnog uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekata, odnosno dijelovima drugih privrednih subjekata, i to:
 1. sticanjem kupovinom većine dionica ili udjela osnovnog kapitala; ili
 2. sticanje većine prava glasa; ili
 3. na drugi način, u skladu sa odredbama zakona koji regulišu osnivanje privrednih subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

(2) sticanje kontrole u smislu stava (1) ovog člana ostvaruje se putem prava, zaključivanjem sporazuma ili drugim sredstvima kojim jedan ili više privrednih subjekata, bilo posebno, bilo zajednički, uzimajući u obzir sve pravne i činjenične okolnosti, stiču mogućnost ostvarivanja dominantnog uticaja nad jednim ili više privrednih subjekata“.

Konkurencijsko vijeće je dana 27.12.2013. godine Zaključkom broj: 02-26-1-29-12-II/13 odbacilo prijavu koncentracije privrednih subjekata Coca-Cola HBC B-H d.o.o. Sarajevo i Argeta d.o.o. Sarajevo kojom su stekli većinski udjel u vlasničkoj strukturi privrednog subjekta Ekopak RS.

Ovo Mišljenje, Konkurencijsko vijeće daje isključivo na osnovu podataka navedenih u Zahtjevu i na osnovu istih je ocijenilo da nisu ispunjeni uslovi iz člana 14. stav (1) Zakona, te u tom smislu ne postoji obaveza podnošenja prijave koncentracije.

Ukoliko ovi podaci odstupaju od stvarnog činjeničnog stanja ovo mišljenje se ne može primijeniti.

Predsjednica

mr. Arijana Regoda-Dražić

¹ (..)** Podaci predstavljaju poslovnu tajnu u smislu člana 38. Zakona o konkurenciji.